

## M E M O R A N D U M

### O IMPLEMENTACIJI OBAVEZA IZ KONAČNE ARBITRAŽNE ODLUKE ZA BRČKO

Vlada Brčko Distrikta Bosne i Hercegovine, koju predstavlja  
gradonačelnik Siniša Kisić

Vlada Federacije Bosne i Hercegovine, koju predstavlja  
premijer Edhem Bičakčić

Vlada Republike Srpske, koju predstavlja  
zamjenik premijera Ostoja Kremenović u ime premijera Milorada Dodika

pod pokroviteljstvom zamjenika visokog predstavnika,  
supervizora za Brčko, ambasadora Gary Matthews

a u cilju sprovedbe Konačne arbitražne odluke izdate od strane Međunarodnog arbitražnog tribunala za Brčko, od 5. marta 1999. i uspostave Brčko Distrikta Bosne i Hercegovine (u daljem tekstu: Brčko Distrikt) kao jedinstvene administrativne jedinice pod isključivim suverenitetom Bosne i Hercegovine:

1. Ponovo izražavaju podršku općem cilju da se Brčko Distrikt Bosne i Hercegovine finansira prihodima sakupljenim na lokalnom nivou i raspodjelom carinskih prihoda, kako je predviđeno stavom 8(B) Aneksa Konačne odluke.
2. Slažu se da će Vlada Republike Srpske i Vlada Federacije Bosne i Hercegovine (u daljem tekstu: Vlade entiteta) pomagati u rješavanju pitanja izbjeglog i raseljenog stanovništva u skladu sa Aneksom 7 Dejtonskog mirovnog sporazuma, deminiranju, privrednom i društvenom razvoju Brčko Distrikta, održavanju i obnovi infrastrukture, uključujući, ali ne ograničavajući se na rekonstrukciju puteva i elektro mreže. Brčko Distrikt će, kao kondominium oba entiteta, promovirati entitetske privredne interese u Brčko Distriktu kroz razne vrste saradnje i zajednička ulaganja. U tom cilju, Vlade entiteta će ohrabriti entitetske poduzetnike u sklapanju poslovnih dogovora sa Brčko Distriktom.

3. Slažu se da riješe pitanja koja se odnose na penzije, zdravstvenu zaštitu kao i i status zaposlenih radnika u javnom sektoru u bivšim administracijama na teritoriji Brčko Distrikta.
4. Slažu se da će u roku od 30 dana od dana potpisivanja ovog Memoranduma biti potpisani posebni sporazumi, kojima će biti precizirane finansijske i druge obaveze entiteta u vezi sa svim pitanjima koja su ovdje dogovorena.


Brčko, 19. septembar 2000.




za Vladu Brčko Distrikta,  
gradonačelnik Siniša Kisić



za Vladu Federacije Bosne i Hercegovine,  
premijer Edhem Bičakčić



za Vladu Republike Srpske,  
zamjenik premijera Ostoja Kremenović



zamjenik visokog predstavnika, supervizor za Brčko  
ambasador Gary Matthews